

CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DO GROVE PARA A HUMANIZACIÓN DUN TRAMO URBANO DA PO-316, RÚA LUÍS A. MESTRE.

En Santiago de Compostela, na data da sinatura electrónica

REUNIDOS

Dunha parte, María Martínez Allegue, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, José Antonio Cacabelos Rico, na súa condición de alcalde do Concello do Grove, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ámbalas dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto

EXPOÑEN

Primeiro. A estrada PO-316 de titularidade autonómica é a principal vía de acceso ao núcleo urbano do Grove, polo que soporta un tráfico intenso interurbano ademais do fluxo de vehículos pesados que acceden ao porto de Meloxo, dende a avenida de Portugal.

Segundo. As obras proxectadas no tramo comprendido entre os pp.qq. 5+000 e 5+890 pretenden humanizar a rúa Luís A. Mestre para desconxestionar o tráfico e gañar espazo para peóns e outros usos públicos.

Terceiro. O 30 de outubro de 2007 asinouse un convenio co Concello do Grove para a urbanización da PO-316 na avenida Xoán XXIII. Na cláusula segunda recollíase como obriga do concello asumir o cambio de titularidade do tramo obxecto da obras. Dito cambio de titularidade non chegou a formalizarse.

Cuarto. A Axencia Galega de Infraestruturas ten entre os seus obxectivos, a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede



eficaz, cómoda e segura, fomentando as relacións municipais e intermunicipais na procura e no fomento dun desenvolvemento harmónico.

Quinto. O Concello do Grove remitiu un anteproxecto para a humanización do tramo urbano da PO-316, pp.qq. 5+000 a 5+890 co que se pretende reducir a velocidade dos vehículos, ampliar as dimensións da beirarrúas e gañar espazo para outros usos públicos. O conxunto das dúas actuacións acadan un investimento de 2.600.000,00 €.

Quinto. A Axencia Galega de Infraestruturas e o Concello do Grove tratan de fomentar aqueles investimentos que resolvan problemas nas infraestruturas, coa finalidade dun desenvolvemento económico e social que aporte unha maior calidade de vida á cidadanía. O treito da estrada no que se proxectan as obras é case na súa totalidade de titularidade municipal segundo o Decreto 130/2025, do 29 de decembro.

As actuacións obxecto deste convenio suporán o acondicionamento e a humanización do tramo urbano da PO-316, pp.qq. 5+000 a 5+890 coa finalidade última de satisfacer as necesidades de todos os usuarios, os condutores e os peóns, coa creación dun espazo máis versátil e seguro, con elementos redutores de velocidade, xunto coa renovación de servizo urbanos como saneamento, abastecemento e alumado público. Simultaneamente tramitarase o cambio de titularidade a favor do concello do treito da PO-316 entre os puntos quilométricos 4+440 e 5+510.

Esa consideración de complementariedade, xunto coa necesidade dunha actuación en materia de accesibilidade e seguridade viaria, xustifican a concesión directa dunha subvención ao Concello do Grove ao abeiro do disposto no artigo 19.4 c) da Lei 9/2007, do 13 de xuño, de subvencións de Galicia.

Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO



O obxecto do presente convenio é establecer as bases da colaboración técnica e económica entre a Axencia Galega de Infraestruturas e o Concello do Grove que permitan a humanización da PO-316, rúa Luís A. Mestre, dende o p.q. 5+000 ata o 5+890, así como o cambio de titularidade en favor do concello do dominio público viario asociado á estrada tal e como se determina na cláusula terceira deste convenio.

A actuación pretende crear unha plataforma única de uso compartido, con separadores e zonas diferenciadas que favorezan a redución da velocidade e o tránsito peonil seguro.

Partindo de que o ancho da plataforma non é homoxéneo nalgún tramo reducirase a amplitude dos carrís ben para gañar espazo peonil ben para calmar o tráfico. Ampliarase o ancho das beirarrúas e crearase unha zona de uso múltiple, alternando entre zona verde, espazo de contedores, mobiliario urbano ou estacionamento.

Tamén se renovaran as instalacións de servizo: telecomunicacións, alumeadado, saneamento, pluviais e enerxía.

O orzamento necesario para a execución destas obras estímase **dous millóns seiscientos mil euros (2.600.000,00 €) IVE incluído.**

SEGUNDA. REQUISITOS

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta subvención directa que o Concello do Grove cumprise co deber de remisión ao Consello de Contas da súa conta xeral.

TERCEIRA. COMPROMISOS DO CONCELLO DO GROVE

O Concello obrígase a:

- 1) Redactar o proxecto para a humanización do tramo urbano da PO-316, rúa Luís A. Mestre, entre os pp.qq 5+000 e 5+890, ao seu paso polo concello, que requirirá a conformidade previa da Axencia Galega de Infraestruturas.
- 2) Achegar o 34,62 % do total do importe estimado das obras, **novecentos mil euros (900.000,00€)**, distribuídos ao 50% en cada anualidade.
- 3) Licitat e executar as obras obxecto deste convenio.
- 4) Aceptar a transferencia de todo o dominio público viario do tramo da PO-316 dende o pp.qq. 4+440 ata o 5+510 coas seguintes coordenadas UTM Etrs89 fuso 29:

- P.Q. 4+440 da PO-316: x= 511.229 / y= 4.703.321



- P.Q. 5+510 da PO-316: $x= 510.973/y= 4.704.327$

Previamente á adxudicación das obras, deberase ter tramitado o expediente de cambio de titularidade consonte ao establecido no artigo 9 da Lei 8/2013, do 28 de xuño, de estradas de Galicia e no Decreto 66/2016, do 26 de maio, polo que se aproba o Regulamento xeral de estradas de Galicia.

A sinatura deste convenio xa supón o acordo entre ámbalas dúas administracións para a tramitación do expediente de cambio de titularidade. A correspondente acta de entrega será asinada antes do inicio da execución das obras.

- 5) Asumir as obrigas económicas que excedan do importe consignado na cláusula cuarta.
- 6) Xestionar todos os terreos necesarios, así como a reposición de servizos e servidumes afectados non incluídos no proxecto. Así mesmo, asumirá a realización das xestións pertinentes ante os organismos que corresponda para a obtención dos permisos, licencias e autorizacións regulamentarias.
- 7) Consonte o establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total responsabilidade da execución da actividade subvencionada fronte á administración. Tamén se compromete a establecerlle ao contratista a obriga de colaboración para o exercicio das funcións de control previstas no artigo 45 da citada lei.
- 8) Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.
- 9) Comunicar á Axencia Galega de Infraestruturas, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.
- 10) Comunicar á Axencia Galega de Infraestruturas a data de recepción das obras para os efectos de que esta envíe un representante se así o estima oportuno.
- 11) O concello deberá dar publicidade da obra mediante un cartel anunciador no que conste expresamente o co financiamento da Xunta de Galicia (Consellería de Vivenda e Planificación de Infraestruturas– Axencia Galega de Infraestruturas) de acordo coa imaxe corporativa oficial da Xunta de Galicia.



O anterior cartel de obras complementarase con outro situado ao seu carón coa única mensaxe “Xunta de Galicia”, de acordo co seguinte deseño:



CUARTA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume o compromiso de financiar o 65,38% dos gastos do orzamento de execución das obras, destinando para iso ata un máximo **dun millón setecentos mil euros (1.700.000,00 €)** con cargo á partida orzamentaria 11.A1.512B.760.0, código de proxecto 1999-06714, dos orzamentos da Axencia Galega de Infraestruturas, de acordo coa seguinte distribución:

ANO	IMPORTE €
2026	850.000,00
2027	850.000,00
TOTAL	1.700.000,00

A Xunta de Galicia, a través da Axencia Galega de Infraestruturas, tramitará o expediente de cambio de titularidade do dominio público viario do tramo da PO-316 tal e como se determina na cláusula terceira, antes da adxudicación das obras polo Concello do Grove.

QUINTA.- XUSTIFICACIÓN E PAGAMENTO.

A xustificación dos gastos e o seu pagamento realizarase nos termos establecidos na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da citada Lei, e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

Segundo o establecido no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos a conta, que



responderán ao ritmo de execución da acción subvencionada. Estes pagamentos aboaranse por contía equivalente á xustificación presentada, ata un máximo do 80% da porcentaxe subvencionada correspondente aos pagamentos xustificadas, sen exceder da anualidade prevista en cada exercicio orzamentario.

O Concello do Grove xustificará a subvención mediante a presentación da seguinte documentación:

- 1) Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.
- 2) Certificación expedida pola secretaría da entidade local, co visto e prace do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:
 - O cumprimento da finalidade da subvención.
 - Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
 - Os documentos acreditativos dos gastos realizados con recursos propios.
 - Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.
- 3) Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- 4) Declaración responsable da obtención doutras subvencións, axudas, ingresos ou recursos que financien as actuacións subvencionadas.
- 5) Mostra fotográfica da publicidade da subvención e das obras realizadas, segundo o establecido na cláusula terceira do convenio.

Serán subvencionables os gastos de execución das obras realizados durante os anos 2026 e 2027.

A data límite para a xustificación destes gastos é o 10 de decembro de cada ano.

O pagamento realizarase pola parte proporcional da contía da axuda efectivamente xustificada, calculada en función da porcentaxes subvencionadas por cada unha das administracións participantes sobre o custo total da actividade.



De conformidade co establecido no artigo 3.1 do Decreto 193/2011, do 6 de outubro, polo que se regulan especialidades nas subvencións as entidades locais galegas, unha vez que se efectúen os libramentos por parte da Axencia Galega de Infraestruturas a favor do Concello do Grove, este deberá acreditar documentalmente a efectividade dos pagamentos realizados no prazo máximo de sesenta días naturais contados a partir do ingreso na conta bancaria da beneficiaria de cada un dos aboamentos da subvención concedida.

SEXTA.- SEGUIMIENTO E CONTROL.

Para o seguimento, control e avaliación de cantas dúbidas poidan xurdir na aplicación do convenio constituirase unha comisión de seguimento, coa participación dun representante da Axencia Galega de Infraestruturas e dun representante do Concello do Grove.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula cuarta.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

SÉTIMA. - NATUREZA DO CONVENIO.

Este convenio, de conformidade ca Lei 40/2015, do 1 de outubro, de réxime xurídico do sector público, ten natureza administrativa. Réxese polas cláusulas que nel se establecen e, no seu defecto, polo regulado na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións e demais normas de procedente aplicación.

OITAVA.- COMPATIBILIDADE.

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada. No caso de que a subvención concedida supere,



illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

NOVENA.- REVOGACIÓN, REINTEGRO E RESOLUCIÓN.

A axuda concedida ao amparo deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións.

Será causa de reintegro total o incumprimento das obrigas establecidas para o concello nas cláusulas deste convenio.

En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.

DÉCIMA.- PUBLICIDADE.

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

Así mesmo, en cumprimento do disposto no artigo 20 da Lei 38/2003, do 17 de novembro, xeral de subvencións, a información requirida será comunicada á Base de Datos Nacional de Subvencións (BDNS)

UNDÉCIMA.- VIXENCIA DO CONVENIO.

Este convenio terá vixencia dende a súa sinatura ata o 31 de decembro de 2027 e financiará os gastos realizados dende o 1 de xaneiro de 2026 nas condicións establecidas na cláusula quinta.

E para que así conste, en proba de conformidade coas cláusulas deste convenio, as partes asinan electronicamente este documento

A presidenta da Axencia Galega de Infraestruturas, María Martínez Allegue

O alcalde do Concello do Grove, José Antonio Cacabelos Rico

